

REGULAMENTO DE HONRAS E DISTINCIÓNS

Capítulo I. – Dos títulos, honores e distincións oficiais

Artigo 1

O artigo 191 do RD 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais dispón que os requisitos e os trámites que son necesarios para conceder os honores e as distincións ás que se refiren os artigos 189 e 190 se determinarán nun regulamento especial. Así mesmo, o presente regulamento queda anexado ao Regulamento Orgánico Municipal en base ao artigo 142.

Os títulos e distincións que, con carácter oficial, poderá outorgar o Concello de Mugardos, coa finalidade de premiar especiais merecementos, beneficios sinalados ou servizos extraordinarios son os seguintes, tendo en conta o disposto no artigo 189 do RD 2568/1986, do 28 de novembro, polo que se aproba o Regulamento de organización, funcionamento e réxime xurídico das entidades locais:

- Fillo/a Predilecto/a do Concello de Mugardos.
- Fillo/a Adoptivo/a do Concello de Mugardos.
- Medalla do Concello de Mugardos.
- Chaves do Concello de Mugardos
- Polbo de ouro

Artigo 2

O Concello de Mugardos deberá cumprir as normas regulamentarias que se sinalan a continuación antes de conceder as distincións ás que fai referencia o artigo 1, e serán nulos e non terán efecto ningún as honras, títulos e distincións que sexan concedidos á marxe delas. Ningún deses títulos poderá ser outorgado ás persoas que desempeñen altos cargos en calquera ámbito da Administración Pública mentres estean nesa situación, coa excepción do Xefe de Estado.

Todos os recoñecementos que se atopen recollidos no presente regulamentos poderán efectuarse tanto en vida como a título póstumo, e deberá constar no expediente a aceptación da persoa homenaxeada ou dos seus descendentes e non se poderá continuar co expediente sen esa aceptación.

Artigo 3

Todos os títulos ou distincións aos que fai referencia este regulamento teñen un carácter exclusivamente honorífico, sen que, polo tanto, outorguen ningún dereito administrativo nin de carácter económico.

REGULAMENTO DE HONRAS E DISTINCIÓNS

Artigo 4

Crearase unha Comisión de Honras e Distincións, presidida pola Alcaldía, formada por todos os voceiros dos grupos municipais con voz e voto, e dúas persoas con vínculo cultural ou educativo co noso Concello que os/as asesoren con voz e sen voto.

Capítulo II. – Do nomeamento de Fillo/a Predilecto/a e Fillo/a Adoptivo/a do Concello de Mugardos

Artigo 5

O título de Fillo/a Predilecto/a do Concello de Mugardos concederáselles a aquelas persoas naturais de Mugardos que destacasen singularmente polas súas calidades persoais, os seus méritos profesionais e os seus servizos en beneficio do municipio, de modo tal que os fagan merecentes do agradecemento e da gratitude da Corporación Municipal e da cidadanía de Mugardos.

Artigo 6

O nomeamento de Fillo/a Adoptivo/a do Concello de Mugardos concederáselles a aquelas persoas que, sen nacer no Concello de Mugardos, reúnan os méritos e circunstancias anteriormente mencionados.

Artigo 7

Tanto o título de Fillo/a Predilecto/a e de Fillo/a Adoptivo/a do Concello de Mugardos constitúen a máxima distinción que outorga este Concello e deberán outorgarse atendendo a maior obxectividade, rigor e restrición posible, coa finalidade de manter todo o seu prestixio.

Artigo 8

Ambos os dous títulos estenderanse nun documento oficial consistente nun artístico pergamiño no cal constarán o título da distinción, o nome e os apelidos da persoa designada, os méritos e servizos nos que se basea a concesión e a data de recoñecemento. Asinarán o pergamiño o/a alcalde/esa e a/o secretaria/o da Corporación.

REGULAMENTO DE HONRAS E DISTINCIÓNS

Capítulo III. – Das Chaves do Concello de Mugardos

Artigo 9

Concédese a Chaves do Concello de Mugardos a Xefes ou Ex-xefes de Estado, Presidentes ou expresidentes do Goberno de España e da Comunidade Autónoma de Galicia

Capítulo IV. – Da Medalla do Concello de Mugardos

Artigo 10

A Medalla do Concello de Mugardos outorgaráselles como recompensa a aquelas persoas físicas ou xurídicas, públicas ou privadas, que se distinguiron en calquera rama da cultura, o espectáculo, o deporte, a ciencia, a economía, a acción social ou a comunicación, por unha longa traxectoria de servizos eminentes e excepcionais ao pobo de Mugardos. Deberá outorgarse atendendo a maior obxectividade, rigor e restrición posible, coa finalidade de manter todo o seu prestixio.

Non poderá concedérselle esta condecoración á Corporación Municipal ou aos seus membros, mentres dure o seu mandato.

A medalla será de metal imitación ouro, co escudo do Concello de Mugardos no seu anverso e no seu reverso dirá “Medalla do Concello de Mugardos” e o ano do seu otorgamento.

Capítulo V. – Do Premio Polbo de Ouro

Artigo 11

O “Premio Polbo de Ouro”, que terán carácter anual, poderase outorgar a quen tivese una actuación destacada no ano correspondente. O outorgamento destes premios, acreditarase coa entrega, en acto público durante a celebración da Festa do Polbo cada segundo fin de semana de xullo, dunha reprodución dun polbo dourado.

Capítulo VI. – Procedemento para a concesión e privación dos títulos, honores e distincións

Artigo 12

Para a concesión dos títulos, honras e distincións do Concello de Mugardos que se enumeran nos artigos anteriores será necesaria a formación do

REGULAMENTO DE HONRAS E DISTINCIÓNS

oportuno expediente xustificativo dos méritos e das circunstancias que aconsellen concedelos.

O procedemento para conceder os títulos, honores e distincións regulados nos artigos anteriores será promovido pola Alcaldía da Corporación, que incorporará a súa proposta á Comisión de Honras e Distincións.

Calqueira dos grupos municipais con representación no Concello de Mugarodos poden instar á apertura de dito expediente.

O/a alcalde/sa someterá o asunto a informe da comisión correspondente, que ditaminará baseándose no valor certo dos méritos suficientemente xustificados. Nese ditame proporalle ao Pleno do Concello que conceda ou denegue o título, o honor, a distinción.

Será o Pleno do Concello quen otorgue ditas Honras cunha maioría de 2/3.

As asociacións de especial relevancia asentadas no Concello, poderán iniciar un expediente previo escrito motivado dirixido ao/á alcalde/sa, que poderá promover, se así o considera, o inicio do expediente, indo avalado co 5% das firmas da poboación do Concello de Mugarodos.

Artigo 13

Para o recoñecemento destas honras e distincións, é necesario o voto favorable co quórum das dúas terceiras partes dos membros da Corporación Municipal.

A competencia para outorgar honras e distincións será indelegable.

Artigo 14

Os Fillos/as Predilectos/as, os Fillos/as Adoptivos/as, e as persoas galardoadas coa Medalla do Concello de Mugarodos gozarán de representación persoal por dereito propio e colocaranse inmediatamente aos membros da Corporación nos actos oficiais e nas solemnidades aos que o Concello os invite.

Artigo 15

Ningunha Corporación poderá outorgar máis dun galardón por distinción durante o ano.

Artigo 16

REGULAMENTO DE HONRAS E DISTINCIÓNS

A condición de Fillo/a Predilecto/a ou Adoptivo/a de Mugar dos pode ser revogada cando a persoa titular incorra en faltas que aconsellen esta medida extrema, e sexa contraria ao Concello de Mugar dos, aos principios proclamados na Constitución española e no Estatuto de autonomía de Galicia, ou cando atente gravemente contra a dignidade dos intereses básicos.

A revogación dos títulos requirirá incoar un expediente coa mesma tramitación que se require para concedelos.

Artigo 17

O/a alcalde/sa entregará os títulos de Fillo/a Predilecto/a e Fillo/a Adoptivo/a nun acto solemne que se celebrará na Casa do Concello. Ao acto serán invitadas todas aquelas persoas que estean en posesión dalgún dos títulos e residan no municipio e ocuparán o lugar que para elas reserve o Concello.

A entrega do título ou honra concedido deberá facerse no prazo máximo de tres meses, agás que por causas excepcionais e debidamente razoadas iso non fose posible, e na organización dos actos de entrega correspondentes á aplicación deste Regulamento de honras e distincións, o Concello deberá respectar escrupolosamente a normativa vixente na materia, tanto estatal, como da Comunidade Autónoma de Galicia e deste Concello.

Artigo 18

Por Resolución da Alcaldía, tras o ditame favorable da Comisión de Honras e Distincións, o Concello de Mugar dos poderá adherirse, mediante entrega dunha placa de recoñecemento, á homenaxe pública de que sexan obxecto persoas e institucións por iniciativas alleas á Corporación Municipal.

Capítulo VII. – Das exequias

Artigo 19

Previo consentimento por parte da familia realizaranse as seguintes accións:

Dos representantes municipais:

No caso de falecemento dun alcalde en activo ou ex alcalde do Concello de Mugar dos, publicarase unha necrolóxica a toda páxina nos medios de comunicación de prensa escrita da zona, así como o envío dunha coroa floral. Decretaranse 3 días de loito oficial e ondearán as bandeiras da Casa do

REGULAMENTO DE HONRAS E DISTINCIÓNS

concello a medio mastro con crespón negro. Así mesmo enviarase por escrito as condolencias por parte da Corporación Municipal á familia.

No caso de falecemento dun concelleiro da Corporación en activo, publicarase unha necrolóxica a media páxina nos medios de comunicación de prensa escrita da zona, así como o envío dunha coroa floral. Así mesmo enviarase por escrito as condolencias por parte da Corporación Municipal á familia.

No caso de falecemento de calquera membro que fose parte da Corporación Municipal como concelleira, publicarase unha necrolóxica simple nos medios de comunicación de prensa escrita da zona, así como o envío dun ramo floral. Así mesmo enviarase por escrito as condolencias por parte da Corporación Municipal á familia.

Das familias dos membros da corporación e do persoal do Concello en activo:

No caso de falecemento de calquera familiar en primeiro grao de consanguineidade ou afinidade, enviaranse unhas condolencias por parte da Corporación Municipal acompañado dun ramo floral.

No caso de falecemento de calquera familiar en segundo grao de consanguineidade ou afinidade, enviaranse unhas condolencias por parte da Corporación.

Capítulo VIII. – Do rexistro oficial de títulos

Artigo 20

A Secretaría Xeral da Corporación coidará de que leve un libro de rexistro no que se consignarán as circunstancias persoais de todas e cada unha das persoas favorecidas con algunha das distincións honoríficas ás que se refire este regulamento, cunha relación detallada e completa dos méritos polos que se lles concedeu, a data da concesión e, de ser o caso, a do falecemento de quen recibiu a honra, para que en todo instante se poidan coñecer cada unha das distincións outorgadas e as persoas que as posúen.

Capítulo IX. – Outras disposicións

Artigo 21

A denominación de rúas, prazas, parques e calquera outros lugares do dominio público do Concello será competencia do Pleno Municipal que as aprobará por proposta da concellería correspondente ou da Alcaldía, co voto favorable de

REGULAMENTO DE HONRAS E DISTINCIÓNS

dous terzos dos membros da Corporación Municipal, coa achega dos planos e documentos de delimitación que facilitarán os servizos técnicos municipais. Poderán formular propostas as concellerías correspondentes, a Alcaldía, persoas particulares ou asociación nos termos referidos no artigo 12.

Artigo 22

O Pleno do Concello poderá autorizar a colocación de bustos e estatuas de personalidades en lugares públicos de Mugarodos, se o piden razoadamente entidades representativas, co voto favorable de dous terzos da Corporación Municipal seguindo o procedemento establecido no capítulo VI.

Artigo 23

Crearase un libro para rexistrar os títulos, as honras e as distincións, así como para que asinen todas as personalidades que visitasen o municipio.

Artigo 24

A concesión de todos os títulos, honras e distincións deberá facerse pública a través da publicación no BOP da Coruña.

Disposición final

Este regulamento entrará en vigor ao día seguinte da súa publicación íntegra no BOP da Coruña.